

Des Herzogthums Craiu vnd
der angerichteten Herrschafft
vnd Graffschafft der Wun-
dischen March Meetsing
Osterreich vnd Karst
Landtgerichts
Ordnung.

13387

[Faint, illegible text, possibly bleed-through from the reverse side]

IN=03000 4304
ID=75673600

[Partial view of text from the adjacent page, including a decorative initial 'E']
E
Berg
Geyg
Tirol
Elfa
ob de
Mar
lich m
ain E
vnd
Wind
lich m
den / d
wider
welen
dehen
von n
Ambr
Cran
so aign
nachge
ständ
vnd
pilligt
wie da
werden
lassen
dermass
ander



Er Ferdinand

von Gottes gnaden Römischer
König/ zu allen zeiten merer des
Reichs/ in Germanien/ zu Hun-
gern/ Behaim/ Dalmatien/ Croa-
tien/ vnd Sclauonien/ &c. König/
Infant in Hispanien/ Erzhers-
zog zu Osterreich/ Herzog zu
Burgundi/ zu Brabant/ zu Steir/
zu Kärnten zu Crain. Marg-
graue zu Märhern/ zu Lugem-

Burg/ in Ober vnd Nider Slesien/ zu Wiertemberg vnd Degth/
Herzog. Fürst zu Swaben/ Gefürsteter Graue zu Habspurg/ zu
Tiroll/ zu Phierdt/ zu Kyburg/ vnd zu Görz &c. Landtgrau in
Elfas/ Marggraue des heiligen Römischen Reichs/ zu Burgaw/
ob der Enns/ Ober vnd Nider Lausitz/ Herr auf der Windischen
March/ zu Portennaw/ vnd zu Salins &c. Bethennen/ offen-
lich mit diesem Brief/ vnd thun khundt allermeniglich. Als Vns
ain Ersame vnser Landtschafft/ vnser Fürstenthumbs Crain/
vnd derselben anrainenden Herrschafften/ vnd Flegthen der
Windischen March/ Metling/ Isterreich/ vnd Kharst/ sament-
lich/ nun zum offtermalen/ vnd yetzo vnder andern Iren beswär-
den/ durch ire Gesandten/ abermals zuerkennen geben/ wie Sy
wider ire alten löblichen hergeprachten Freyhaiten/ so Iren von
weilenn vnsern vordern Fürsten von Osterreich löblicher ge-
dechnüssen gegeben/ auch von ainem auf den andern/ vnd yetzo
von newem/ von Vns bestett worden/ durch vnser Phleger/
Ambt vnd Landtleüt/ in gedachtem vnserm Fürstenthumb
Crain/ vnd derselben anrainenden Herrschafften vnd Flegthen/
so aigne Gericht haben/ selbs/ vnd nachmals vill mer/ durch Ire
nachgesetzten Landtrichter/ welche in vil weeg/ nit alain vnuer-
ständlich vnd vngepürlich/ sonnder Ires aigen gefallen handlu/
vnd vnser/ auch ainer Landtschafft vnderthannen/ wider
pilligkeit/ alt herkomen/ vnd zuoran wider Ire Freyhaiten/ die
wir dazumalen/ von newem/ durchsehen/ betrüeb vnd beschwert
werden sollen/ darauf Sy vns diemütigst pitten vnd anrueffen
lassen/ hierinnen genedigste einsehung vnd wendung zethun/ auch
dermassen ordnung zugeben/ vnd fürzunehmen/ das vnser vnd
ander Phleger/ Ambt/ vnd Landtleüt/ so aigen Gericht haben/

vnd dieselben in aigner person handln/vnd verwalten/oder Ire
nachgesetzten Landtrichter/mispreüch die Sy bisheer gegen dem
armen gemainen man/welchen Sy in Burgerlichen ringschätzigem
sachen die weder leib/leben/nach den halß/nit berüren/ausser Ire
herin willen/vnnd wissen/denen in crafft der Landtsfreyhaiten/
Solche vnd all annder dergleichen gemain sachen/vnd Straffen/
aufferhalb des Malefiz/zerichten zuegehörn sollen/geübt/dieselben
gepüest/gefenngt/nüsst/peenfelligt/vnd in annder wege gegen jnen
vnpillicher weise gefarn/nu füran abgestellt/vnd nymmer gestatt/
Sonnder ain clar austruckh/der Landtgerichtsmässigen hand-
lungen/gemacht vnd aufgericht wurden / Das wir demnach gne-
digist angesehen/vnd hoch erwegen/gemelter ainer Ersamen vnns-
ser Landtschafft in Crain/vnd derselben angerichten Herrschaf-
ten zimlich vnderthenig bitten/auch mit irem wissen vnd Ratem
vnnd fürnehmlichen / in Bedenngthen / das Vnns/als Herr vnnd
Landtsfürsten dises högstes Ambt von Gott dem almechtigen
selbst eingesetzt vnd beuolhen. Nemlichen gegen vnnsern Vnns-
derthanen vnd meniglichen so das bedürffen/vnd begern/gleichs
Gericht vnd Recht zehalten/vnd darwider vnpillicher weise nye-
mandts besweren zulassen/wie dan vnnsere genedig vnd enndtlich
gemüet auch nit anderst ist/Vnd haben Vnns darauf mit zeitigem
guetem Rat/vnd rechter vorwissen ainer Landtgerichts ordnung
wie es füran in mergemeltem vnnsern Fürstenthumb Crain/den
anrainenden Herrschafften vnd Flegthen/durch vnnsere/vnd Ire
Phleger/Ambt vnd Landtleüt selbs/als jnen solchs / nach Vnns
nit weniger pillichen zuesteet/vnd Sy sich des thains wegs verwi-
dern sollen / oder wo solche Landtgericht/ainer / oder etlich aus
jnen eehaffter vsachen willen personndlich nit handlen möchten/
Alsdann durch ire nachgesetzten Verwalter/Phleger/vnd Landts-
Richter allennthalben zu fürderung des Rechtens/vnd ablainung
der armen leüt/ auch menigleichs beswerlichen verderbens / gegen
vnnsern vnd Iren vnderthanen/in Landtgerichtsmässigen hand-
lungen gephegt/vnd gehalten werden solle/vnnderschiedlich vnd
Artickl weise enndtlossen / auch dise erlewterung hierjnen ge-
than/wie hernach volgt.

Für das erst / vnd notturfstigt / setzen/vnd wellen wir/das ain
jeder vnnsere Phleger/Ambt/vnd Landtman/so aigen Gericht
haben/dieselben in aigner Person mit dem vleissigisten vnd trew-
lichisten (wie oben gemelt) handlen vnd verwallten. Wo aber Ir
ainer/oder mer solch ire Landtgericht aus eehaffter noth/vnd vn-

gelegenheit jrer hawswonungen selbs nit verwalte mochten / als
dan sollen dieselben vnd ain jeder in sonnders ainen Erbern / from-
ben vnd beschaiden Man / an seiner stat zu Phleger / Landtrichter
oder Verwalter aufnehmen / vnd ime eigentlichen einpinden / dem
Armen / als dem Reichen / vnd hinwiderumb dem Reichen / als
dem Armen das Götlich vnd gepürlich Recht auf sein anrueffen /
nach seiner gueten gewissen / vnd högsten verstandts / auf das so
für ime gepracht wirdet fürderlichen eruolgen zelassen / vnd nye
mandts darinnen thains weegs züuerhindern / zübesweren / noch
anderer gestalt vnwilliger weise aufzehalten / Auch hindan ge-
setzt alle geuer / als Muet / Gaben / Freundschaft / Gunst / Veindts-
schaft / vnd alles anders / so ye nach Cristennlichen frumen ver-
standt hierinnen pillichen soll / vnd mag verpoten werden / wie ließ
ainem yeden sey / seiner Seel haill / vnd Sy vnnsere / vnd ander
Phleger / Ambt / vnd Landtleut / das gegen Gott dem almechtigen
am jüngsten tag / auch gegen Vnns / als herin vnd Landtsfürsten
verantworten wollen.

Vnd nachdem Wir auch / aus gedächter / ainer Ersamen vnnsere
Landtschaft Freyhaiten / lautter befinden / das sy vber ire piderb
diener vmb gült / glubdt / vnd vmb schäden / wer auch zü jren Leu-
ten züsprechen / vnd zuelagen hat / selbs / hing jnen / das Recht thün
sollen vnd mügen / vmb all sachen / aufgenommen / was den halp / leben
vnd leibstraffen berüert zc. So sollen doch vnnsere Phleger / Ambts-
leit / oder ire nachgesetzten Landtrichter. Wann sich vnder den
gemainen Paupfleuten / auch andern der Landtleut vndertha-
nen / vnzüchten / vnd vnbeschaidenhaiten zuetragen / als oft be-
schiecht / das ainer den andern an seinen Leren antastt / oder ainer
vnthat als dieberey beschuldigt / darzwischen sich Maulstrich vñ
Harraffen begeben vnd das man mit wören / zü druckhen strai-
kumbt / aber doch niemands kein leibschaden zuegefuegt / oder so
ainer beschedigt / pluertunß vnd lambgeslagen wirdet / wo Er auch
sein Weer nur schlechtlich empleßt / züuersteen / das dardurch thain
peindliche / oder halpstraff / verdient wirdet. Solch vnd dergleich-
en schlechter sachen / für Landtgerichts händl achten. Erkler-
ren Wir jnen / das nun füran vnnsere Landtrichter sich solcher
schlechter sachen zerichten nit vndersteen / Sonnder die ainen yeden
Grundherin selbs in crafft jrer Freyhaiten handeln vnd richten
lassen sollen / Des gleichen auch die obberürten züchtreden für sich
selbs / vnd außserhalb aines Clagers / nit richten / noch die Armen
Leit / wider jren willen derhalbe züclagen dungen / Es wären dan

gemüßsam Inditien/wie solch Inditien/hernach lauter aufgeführt
werden/verhanden alsdann mügen Sy aus phlicht ires amts/
an ain Clager/nach rechtlicher ordnung/vnnd erkandtuis/dar
innen wol handlen.

Wo auch vnnsere Lanndtleüt ire Hinnderßassen in andern Ge
richten/dan da Sy mit iren heußlichen wonungen gefessen heten/
Sollen sy in derselben Gerichten/von iren wegen ainen Amptman
Richter/oder Suppan verordnen/darumb ob vnnsere vnnderthas
nen/ ainer von der Lanndtleüt Pawrn/oder Hinnderßassen/in den
selben Gerichten beschediget wurden/oder Er sonnst spruch zu ime
hete das ime auf sein Ansprach vnd Clag/die pilligkeit gehandelt
vnnd verholffen/vnd Er nit verursacht werde/darumb vnnsere
Lanndtman mit beswerlichen costen züersuechen.

Vnd sein das die nachvolgung

den Sachen vnd Thaten/so für pluet/Malefiz/vnd
Lanndtgerichts handt geacht/vnd verstanden wer
den/die vnnsere/vnd annder Lanndtrichter/handlen
vnd Rechtfertigen/aber darüber nit greiffen sollen.

Wer Gott den almechtigen selbs/sein Göttliche Maiestat/sein
heiligste Glider/wirde/Marter/oder sein heilige Mueter/die
hochgelobt inneckfraw Maria/fräuenlichen oder fürsetzlich leßtert.

Wer Khayser/Künig/Fürsten/oder ainen andern seinen herzn/
in den Todt gibt/verrat/oder jnen haimblich oder offenlich/wider
gethane Aidsplicht/schedlich vntrew thuet/oder wer wider Ir
verordenndt Obügkhaiten vnd Vorgeer aufruer zübewegen sich
vnndersteet.

Wer ainen/oder aine vom leben zum Todt bringt/oder Todt
schleg thuet.

Wer an Vater vnd Mütter mit schedlichen flegen fräuenlichen
handt anlegt.

Wer ime selbst den Tod thuet/doch ausgeslossen/ob solches aus
vrsachen vnßinniger weiß/ob beswörung seiner franckhait beschech

so soll es nit für Lanndtgerichtsmässig geacht werden/ auch der
ihenig in des haws solches beschiecht so jere Erthain schuld daran
hat/ des mit nichte enndtgelten.

Wer des Lanndfürsten oder seiner geordneten Obrihtait/ glaidt
oder angelobten/ oder gepoten Friden fräuenlichen pricht.

Wer drölich ausschreibt/ oder yemannats Befechd / notzwingt /
oder panschägt.

Wer yemaundtz haimblich oder offennlich mördt/ prendt / oder
sonnst muetwilliglichen prendt.

Wer mit Giffte / oder annder gestallt ainen haimblichen mördt/
oder Rhinder verthan heten.

Wer Brieff/ oder Münz/ Gold/ oder Silber velscht/ oder gerin
ger macht/ vnd der wissenntlichen für Gold vnnnd Silber annder
conterfedy Metall/ dergleichen wer valsch Edl gestain/ für guet
vnd recht wissenntlichen verkhaufft oder hingibt/ Oder wer des
Lanndfürsten Münz saigert/ dieselb im Lanndt aufkhaufft/ vnd
daraus von Gwins wegen füert / für volkomen vertreibt/ oder in
ainichen weeg/ wider die Ordnung vnd Gsaz der Münz handelt/
Dergleichē / wer sich valscher Khauffmanschaft/ Mas / Gewicht/
oder Wag geprauchet/ oder die velscht.

Wer wider die Natur/ als mit ainem Diech oder Mannspild
vnteuuscht.

Welcher Frawen/ oder Jungfrawen / wider jren willen zu vnt
teuschait benötigen/ oder die werch also bezwungenlich volpringē
das die Fraw oder Junckhfraw auf die geschicht clagen wurden.

Wer falsch aid schwert/ vnd valsche zeügknüß gibt.

Wer Zauberey treibt/ die im Rechten verpoten sein.

Ain jedlicher diebstall/ der mit recht peindlich gestrafft werden
mag/ desgleichen Rauberey.

Doch soll/ vnnnd mag ain jeder/ dem sein guet gestollen / oder ge

raubt worden ist/ee/vnd Er defhalbten mit Clag an das Gricht
kumbt/demselben seinem guet woll nachstellen/vn so Er den Thä-
ter betritt sein emphrembd guet/widerumben zu seinen handden
nemen/vnd solches dem Landtrichter ansagen/vnnd seinen für-
sannng zwenundfibenntzig weif phenning darumben geben/Er
soll auch schuldig sein denselben Thäter/dem Landtrichter anzü-
zaigen/Doch wo ainer ainen Dieb vnnder seinem dach betritt/vnd
sein gestolln guet nymbt/soll Er darvon khain fürsannng zugeben
schuldig sein vnd gegen niemaundts verhandlt haben.

Wer gewiecht Kirchen haimblich pricht/oder auf ainem ge-
weichten Kirchhof fräuenlich sicht/oder rindort/vnd Ir aines/
mit pluet vergiessen endert.

Wer ainem sein Weib/Kinnd/oder sein vnbeuogten Bueders/
Swesters/oder Phlegkinder/haimblich oder offentlich mit gwalt
wider seinen willen/raubt/oder entfür.

Wo ainer ainem fürwart/jne vermessenlich zübeschädigen/oder
jne also fürgewart/beschädigt/vnd wer ainem mit Büchsen/Stäs-
heln/Pleykugln/Wurffhagthen/vnd andern dergleichen verpo-
ten weeren/nach seinem leben stellt/vnd das solchs zü jne pracht
wirdet/wie recht ist.

Wer ainen/oder mer/jne wissenntlich Mörder/Strafranker/
vnd vnser/auch vnserer Landde/abgesagt veindt/beherbergt/
hayet/Besridet/sürdert/oder sonst generlicher weif schüest/vnd
hinkhomen lässt.

Vnd sunst all Malefiz sachen/händl vnd Thaten so peindlich
vnd den obgeschriben vngenerlichen gleich sein/vn hie nit bedacht/
noch gemellt/vnd für Landtgerichts/oder Malefiz händl pil-
lich vnd Gerichtmässig verstanden werden mügen/doch soll solch
wort Malefiz/oder die peindlich straff in disen vorgestellten/vnnd
hie vnbedachten Articl nüt anders/ dann was das lebenn/den
hals/vnnd leib straffen/als henndt abhawen/ augen austiechen/
durch packhen pennen/zungen vnd oren abschneiden/rueten auf-
streichen/Landt verpieten/vnd dergleichen straffen betrifft/ver-
standen werden.

Solch oberzellt/vnd annder Landtgerichts händl/sollen abes

mit gestrafft werden / Sy haben sich dann zu dem beschuldigten /
erstlich / warlich / glaublich / vnd wie sich gepürt erfunden.

Wo vnd wann aber ain jedlicher Landtrichter / ainen oder mer
solch streichennden wandret / vnd angefessen Täter / vnd Verpres
cher / mit offenwarer beweisllicher That / auf vnser Landtleit güs
tern erfahren / oder ob jre Leüt vmb schedlich sachen beclagt wurden /
den soll vnser Landtrichter vordern an den Landtman / auf des
grunts Er ist gefessen / vnd derselb Landtman / sein Amtman /
Richter / oder Suppan / soll den schedlichen dem Richter antwortē.
Nemblich den angefessen / als jne gürtel hat vmbfangen / vnd den
Streichenden / oder wandreten Thäter / mit leib vnd guet / oder soll
dem Landtrichter nach jme zügreiffen on alles verziehen erlawbē /
damit soll der Landtman / auch weiß vnd thündt an dem guet /
das auf der Huebm ist / vnenntholten / vnd vnshadhaft beleiben.
Wäre aber / das der Grundherr jert gefessen / vnd der ennden seine
Leüt niembt beuolhen het / Dardurch zübesorgen / das solcher Thäs
ter mitler zeit der ersuechung von handden komen möcht / alsdann
sollen Sy denselben gestragths annemen / Begab es sich aber das
der Landtrichter ainen solchen Thäter nacheiler / oder in sunst auff
des Landtmanns grundt / doch auffer des dachdropffs beträtet /
denselben Thäter mag Er mit leib vnd guet annemen. Wann / vnd
was gestallt aber solch Thäter angenommen werdenn / So soll der
Landtrichter / solchs des gefangnen Herrn / oder seinen Phleger /
Richter / Amtman / oder Suppan verthünden / vnd alsdann ders
selb Landtman sein Phleger / Richter / Amtman / oder Suppan /
dem Landtrichter darinnen nit jrrung thuen.

Wäre dan das bey ainem Streichennden vnd wandräten Thäs
ter / aufferhalb der gestollen annedere Gueter / die in diennst weisel
oder annder erber gestallt / vnd mit guetem Titl an jme kumen bes
funden wurden / dieselben sollen den Erben nachuolgen / vnd der
Landtrichter darnach nit zügreiffen haben. Aber mit den gestola
len güetern soll es gehalten werden / wie hernach in ainem söndern
Articl steet.

Wo aber ain Landtrichter ainen Thäter / oder Verprecher nit an
offenwarlicher beweisllicher That betreten / sonnder alain ain ge
maine vngenerliche züchtrede vber jne haben wurde / So soll ain
Landtrichter denselben verdachten nit also gestrachs annemen /
sonder züvor des verdachten Herrn / Phleger / Richter / Amtman /

*In ang...
wie...
humb...
ab...
gust...*

*...
...
...
...
...*

*...
...
...
...*

oder Suppan glaubwürdig Indicien/das ist genuegsam vermee-
rungen/argckwon/verdacht/redlich warzaichen vnd anzaigen für-
bringen/daraus zenemen das die Zücht gegrünndt sey.

*Taten an Labord
wie bei alken
haben sie für an
nicht an!*

Vnd so dergleichen Indicia befunden werden/So sol der Land-
man sein Phleger/Richter/Ambtman/oder Suppan dem Land-
Richter denselben Thäter oder Verprecher antworten an die ennde/
wie dann aines yeden Landtmanns geprauch vnd herthomen
vermag/Doch denselben Thäter/oder Verprecher/so Er jme also
von dem Landtrichter vermeld vnd anngesaigt wirdet/Thains
wegs warnen/hinschieben/nach generlich wegth komen lassen/
vnd welcher Landtman aber/oder sein Richter hierüber ainen sol-
chen Thäter/oder Verprecher fürschieben wurde/das sich warrlich
befunde/der soll darumb in vnser straff gefallen sein.

Dergleichen wo ain Landtrichter aines Thäters/oder Verpre-
chers nit Bericht/vnd aber ain Landtman/Richter/Ambtman/od
Suppan/ainen solchen Thäter/oder Verprecher/auf seinen Gründ-
ten/Gepieten/oder Verwaltungen erfahren/oder vernemen wurde/
So soll jne derselb Landtman/sein Phleger/Richter/Ambtman/
oder Suppan/abermals dem Landtrichter antworten/ann die
ennde/wie aines yeden Landtmanns geprauch vnd herthomen ist.

Vnd welcher gfallt also ain Thäter/oder Verprecher Betreten/
vnd genommen wirdet/So soll der Landtrichter mit jme handeln/
wie Recht ist/Wo aber derselb auf gemain Indicia/oder argckwon
angenomen/vnnd die Zicht der vblthat vernainen wurde/So soll
der Landtrichter mit peindlicher frag nit gestracks verfahren/son-
der in albeg Menschlich vnd des Rechtens beschaidenheit halten/
sich wol bedengthen/vnd achtung haben ob die warheit durch an-
der leichter/vnd bequemlicher weeg vnd mittl/als nemlichen zünor
der sachen an den orten vnd ennden/alda die That begangen vnd
beschehen sein solt eigentlichen erkündigen/vnnd nicht weniger
darneben dem angenommen fürgehalten/ob Er anzaigen thündt/od
wesse/das Er solcher vblthat/vñ inzichten vnschuldig sey. Er soll
auch erjndert werden/ob Er weisen vnd glaubwürdig beybringen
möcht/das Er zur zeit/als die vblthat beschehen/bey Leuten/ auch
an ennden gewesen/oder annder dergleichen vsachen/dardurch ver-
standen werden müge das Er dieselb misserthat nit begangen/noch
gethan haben thündt/Vnd solche erjnderung ist darumben not/
das meniger aus ainfallt/erschreckhen/vnnd gröf der Peindlichen

*beginnt die
Indicien. In
den
In*

marter nit fürzubringen wais/ob Er gleich vnschuldig ist/wie Er
sich enndtschuldigen müge.

Vnnd diessel ye nit möglich/die vnd dergleichen Rechtmaßig
fall all zübestimmen/vnnd züsetzen/ So sollen vnnsere vnd annder
Landrichter / doch zum allerwenigsten/als yezo gleich hernach
auch erzelt ist/die Beschaidenhait vnnd gepür halten/ als ob ainer
sein notwör in Toddslegen/da ainer gegenn gewaltiger That/sich
selbs/oder sein Gnet/sein Hausstraw/seine Sün/Vater od Brueder
zübeschirmen vnderstanden het. Item so ainer ainen Nachtdieb
mit diebstall beträt/vnd nit venckhüssen khünde/sonder erschläeg.
Item so ainer bey tag ainen Dieb beträt/vnd offennwar beschriet/
der sich zü der wör stellet/vnd also durch jne auch erlagen wurde.
Item ob ainer vnsürszlich von ainem/wider desselben gemüet vn
willen/vnd on alles args geuerde/enndtleibt wurde/vnnd derglei
chen Sachen vnnd Thatn mer/so nit aus muetwillen / oder pösem
Beschehen/weisen/vnnd darbringen wolt/ Solch weisungen wie
recht ist auch vernemen.

Ob sich aber der Thäter/des lastters ye nit enndtschuldign kün
de/also/das die warhait hierinnen mit strenger frag züerfaren von
nöten sein wurde/So soll abermals desselben Thäters person/wes
sen/schigklichait/jugennndt/oder allter/sterckh oder schwachait/auch
die gröf der That/vnnd das die frag nit strennger/noch hörter
dann die That ernordert/vnd nit vergebens/noch aus vnbedacht
aines Leben/oder Glider/dardurch verderblich gemacht / welchs
sonnst wol vmbgangen/oder verhüet möcht werden/Ob auch der
Thäter mer wären/an dem jüngern forchtsamistn/ainseltigistn/od
sonnst bey welchem die warhait am leichtistn züermueten sey/zü
erfaren. Wo auch ain Vater/vnnd ain Sun/ in gleicher misserhat
peindlich züfragen wären/an dem Sun ansahen in angesicht des
Vaters/vnd die fragstugth dem Thäter fürhallten/als was her
komens/vnd wer sein Gsell/vnnd mithelffer sey/wo Er gewonet/
vnd sich enthalten hab/Solch vnd dergleichen notdürfften/sollen
sy wie jrem Ambt gepürt/vnd damit nyemandt vnrecht beschehe/
hoch vnd notdürffstgliclich warnemen/erwegen/vnd nach Recht
licher ordnung yeder zeit darjnnen handlen.

Doch züuor/vnd ee der Landrichter die peindlich frag fürne
m. So solle Er das dem Herrn Phleger/Richter/Ambtman/od
Suppan/dem der Thäter/oder Verprecher zuegehörte/oder in des

Kofewon

Grundt/oder verwalting Er betreten wurde/verkhünden/ der
mag alfdann ob jme gemaint ist/selbs/oder durch yemannts/von
seinentwegen/zü der peindlichen Frag/vnd dem Rechten thumen/
vnd die vernemen.

Nicht destweniger soll der Landrichter/ettlich verständig per-
sonen/die darzue dauglich sein/aus dem Landtgericht/oder wo Er
die mit fundt/von Ambleuten/Stetn/Märckhten/in der nähendte
daselbst vmb/ zü jne eruordern/vnd in derselben gegenwürtigkeit/
auch mit jrem Rat. die peindlich Frag fürnemen. Wo aber vnnsere
Landrichter/frembde durchstreichende personen annemen
vnd jres verprechens halb gegen jnen mit strenger Frag handlen
wurden/ iu demselben fall ist vnnoth/ das Sy darzue vnnsere
Landtleuten oder jren Verwaltern verkhünden.

Wo dann ain Landrichter ainen Thäter/oder Verprecher/ so
jme vorberürter gfallt geantwort/peindlich fragen/ vnd aber der
selb Thäter/oder Verprecher nit souil bekhennte/das Er zum todt
gericht/vnd deshalben mit dem Leben/ ledig gelassen wurde/ So
soll doch der Landrichter ainen solchen gefangen nit ledigen
auffer des Landtmans/Phleger/Richter/Ambtman/oder Sup-
pan/von dem der Thäter geantwort wäre/wissen/vnd das derselb
in des Thäters vrsachd oder in annder weeg/ auch notdürfftiglic-
hen versichert werde.

Vnd nachdem sich pifheer mag Begeben haben/das die Thäter
oder Verprecher/so zü straff leibs vnd lebens/schuldig besunnden/
vnd geurtailt/etwo auf treffennlich getrew fürpethe/ oder abtrag
zeitlichs guets/solcher straff geledigt/in ansehen etlicher Bewegnüß
vnd vrsachen/so ye züzeiten an aines Thäter/oder Verprechers per-
son/schickhlichkeit/freundtschafft/oder gestallt seiner handlung vnd
that gemerckht/vnd besunnden werden/Wiewol nun hierinnen be-
schwerlich ist Maß züsetzen/Sonnder die Recht/ainem jedem/der
Landtgericht hat/oder verwaltet/weisen/ wie Er sich darinnen/
nach gueter Consciennz/vnd gewissen halten/ vnd namblich das
zeitlich guet nicht on Besonnder vrsachen für das Recht/vnd für die
Rechtlich straff setzen solle.

So ordnen Wir doch hiemit zü merer vnderricht vnd ver-
ständtnüß der sachen/ Wo ainer der Landtgericht hat/oder ver-
waltet/an ainem Thäter oder Verprecher/ auf sein bekantnüs voe
der vntail

der vrtail/Solch eigenschafft oder vrsachen seiner person schickh-
lichait/freundtschafft/oder handlung vnd That/merckhen vnnnd
Besinden wurd/ das derhalben mit leiblicher straff mitleiden mit
jme zutragen/vnd solch leibliche straff in abtrag treffemlicher ge-
trew fürpethe/oder aines zimblichen zeitlichen guets zuteren wäre
So mag solchs beschehen vnd der Thäter oder Verprecher darauf
des Rechten/vnd der vrtl enndt laden vnd erledigt werden/doch dz
(wie obsteet) die gedachten eigenschafft/vrsachen/vnd bewegniß/
nach/des/der Landtgericht hat/oder verwiset/gueten Conscienns/
Betracht/vnd das Recht züordist vnd für das abpitten/vnd zeit-
lichem abtrag gesetzt/vnd angesehen werden.

*In vrtail...
des Rechten...
Lob...
zu...
für...
zu...*

Vnd ob ain Thäter/oder Verprecher der solcher gestallt geledigt
werden wolt/dem Landtrichter von ainem hern Phleger/Richter/
Amtman/oder Suppan/vberantwort wäre/ So soll die erledig-
ung auch nit beschehen/dann mit desselben Herrn/Phleger/Rich-
ters/Amtmans/oder Suppan wissen/vnd nordürstiger versiche-
rung/les sey mit des Thäters vrsachd/oder in annder weege.

*Vergelt...
auf...
D...
G...*

Wo aber die angezaigten bewegnißen/vnd vrsachen nit verhan-
den wären/vnnnd deshalben vrtl vnd Recht geen würde alsdann
nach der vrtl/Soll khainer der Landtgericht hat oder verwist
noch der Landtrichter macht haben den Thäter vmb gelts willen
zuerledigen. Es sollen auch vnnsere Landtrichter die personen so
zum Todt verurteilt worden sein/peicht hören/vnd mit dem hoch-
würdigen Sacrament versehen lassen/auch verordnung thun/das
sy piß in Ir enndt mit tröstlicher Cristenlicher vermanung vnd zue-
sprechung vnderweist werden/damit sy jr leben Crisilich bestliessen.

*...
auf...
K...
ist...*

Item wann ain Thäter oder Verprecher/von ainem beschedigten/
oder belaidigten/oder desselben freundtschafft angeclagt wüdet.
So soll auf solh Anlag/vber den Thäter oder Verprecher gericht
werden wie Recht ist/vnd der Thäter oder Verprecher/vmb gelt
fürpethe/oder annder vrsachen/on wissen/vnd willen des Clagers
nit ledig gelassen werden. Vnd ob der Thäter zum Todt gericht
wirdet/So sol der Clager den Gerichts costten halb bezallen/doch
der Landtrichter/solch Gerichts costtning / bey seinem gueten
Trawen vnd Glauben fürbringen / vnd ob der Clager den halben
costten nicht vermöcht/alsdann mit abpruch/oder nachlaf nach sei-
ner nordürst mit jme mitleiden tragen.

*...
J...
G...*

Item/wann aber kein Clager verhanden wäre / So soll der
Landrichter den Gerichts costen selbs tragen / Wo auch derselb
Verprecher haimisch / vnd ain Inwoner wäre / vnd nit Erben ver-
lief / So soll dem Landtman sein des Thäters verlassen guet / des
Landtsfreihaien nach zuesteen.

Doch soll der Clager belaidigt vnd beschedigt vmb seiner not-
durfft vnd des Gerichts costen willen / den Thäter oder Verprecher
ungemelt / vnd vnuerclagt nit lassen / vnd der Landrichter ob kein
Clager nit wäre / kainen Thäter oder Verprecher auch vmb beswa-
rung willen des Gerichts costen / noch aus andern vrsachen vn-
gerechtfertigt lassen / bey vnser als Herrn vnd Landtsfürsten vn-
gnad vnd straff.

Wo ain Thäter oder Verprecher in peindlicher frag oder sonnst
auf ainen andern / ainen / oder mer Landtgerichtmässig Malefiz
that / oder verhandlung eröffnen / oder bekennen wird / damit sich
dan derselb beschuldigt / ob bezigen / so Er villeicht vnschuldig wä-
re / noch bey leben des gefangnen desser leichter verantworten / vnd
nit vnuerdiendt vnd vnwissenndt gefengthlich angenommen / vnd
mit peindlicher frag genödt werde / So soll der Landrichter vor-
vnd ee der obgedacht gefangnen / der also auf ainen andern eröff-
net / oder bekennen het / zum Todt gericht wirdt / demselben Landts-
man / Phleger / Richter / Amtman / oder Suppan des der beschul-
digt vnd bezigen ist / solchs zeitlich verkünden / damit Er das seine
beschuldigten fürhalten / vnd darauf desselben schuld / oder vnschuld
abgenommen vnd erkündigt werden müge / Vnd soll ain Landts-
man / Phleger / Richter / Amtman / oder Suppan / so ime ain solche
vrgicht wid seinen beschuldigten angezaigt / ime den Thäter zu recht
halten / vnd so glaubwürdig Indicien vber ime befunden wurden /
dem Landrichter antworten / vnd ime nit schießen / noch hinkhus-
men lassen bey vnser vngnad vnd straff / wie oben steet.

Vnd ob bey ainem frembden streichenden / oder wandreten Thä-
ter mer gestollen vnd emphrembdes guets vnd gelts / wider auf den
Gerichts costen (wie vorgemelt) geen gefunden wurde / So solls
Landrichter solchs gelt vnd guet ain gantz jar lang vnuer-
thomert behalten / Vnd ob yemannds in der zeit kaimb / vnd bewis /
das ime solch gelt vnd guet zuegehört / alsdan denselben das guet /
on aufred geben / vnd volgen lassen / vnd nichts dan alain den fürs-
fang zwenundsibenzig pfenning vnd Gerichts costen danon

Bezallen/vnd jnnen behallten.

Wo in ainem Gericht gestollen emphrembd vnd genomen guet/
wie das namen hete/gefunden/vnd von ainem also für emphrembd
gestollen vnd genomen guet/beclagt vnnnd beweist wurde/also das
jme solchs Rechtlich zuegehört/So soll das demselben Clager on
enndtgeltnüß wider zühanden gestellt werden/vnd sich der Länd-
richter alain des fürfanngs Benüegen lassen/vnd soll der jhenig bey
dem solch emphrembd guet besunnden wirdet/seinen Gaber/Ver-
kauffer/oder andrer gestallt bewärlich anzaigen/das es mit ainem
erbern Titl in sein gwalt kumen sey/vnd so das beschehen ist/soll Er
damit gegen dem Landtrichter seiner person halben nicht ver-
schuldt haben.

Wann ain Person die annder vmb Malefiz anclagen wurde/
souerz dann der Clager seiner Clag dem Landtrichter nordürffrig
Indicien anzaigen wurd/so soll darauf der Landtrichter den bes-
schuldigten obangezaigter massen annemen/vnd mit der frag gich-
tigen vnd rechtfertigen.

Wo aber ain person die annder Malefiz Bezeihen/vnd darumb
nit nordürffrig Indicien anzaigen wurd/So soll ain Landrichter
den beschuldigte mit peindlicher frag nit gichtigen/aber so der Cla-
ger seiner Clag vnd beswerung außserhalb nordürffriger Indicien/
nit absteen vnnnd geraten wolt/vnnnd Rechts Begeret/So soll der
Ländtrichter den beschuldigten/anch darneben den Clager vennckh-
lich annemen vnd behalten/pis so lang durch den Clager/oder in
annder weeg genuessam Indicien erfarn werden/Vnd so das bes-
schiecht/so soll der Landtrichter darauf handlen wie Recht ist.
Wo aber genuessam Indicien nit gesunnden wurden/alsdan sol-
len sy widerumb ledig gelassen werden/vnd zü des Landgerichts
erkantnüß vñ mässigung steen/was den beclagten vmb die Zücht/
venckhnüß/vnd schaden/von dem Clager beschehen soll/oder dem
so also vnpillich zü venckhnüß vnnnd in nachtail gepracht wurde/
sein ansprach vnnnd Clag/gegen dem/so des vrsach hete/Rechtlich
aufzesueren/sürgesetz/vnd vorbehalten sein.

Doch in dem allem / soll in alweg des Clagers vnbeschuldigten
person vnd derselben gstatt/aigenschafften/wesen/vnd schigkhlis-
chaiten betracht/vnd angesehen werden.

Vnd wo fräuenlich Todslag beschehen/ So sollen vnnsere Länd
richter/ noch die Landtleüt/ von irer aigen Gericht wegen/ die Thä
ter zu sichern/ oder zu glaidten nit macht haben / dann Vnns solchs
als Herrn vnd Landtsfürsten zuestet / Vnd ob wir dan denselben
zuebgnaden bewegt wurden / So sollen wir doch dieselb begna
dung/ an des enndtleibten freundschaft bewilligen/ damit wir für
ter vmb Recht nit angerüesst werden / aber doch vor ainer jarzeit
nicht thun. War aber der Todslag aus notweer beschehen/ vnd sol
ches offenwar gemacht/ So mag derselb durch vnnsere Regierung
oder durch ain jede Obrißheit/ darinnen solcher Todslag begann
gen/ doch vor ainer halben jarzeit/ auch nit begnadet vnd absoluiert
werden/ mit der Beschaidenheit/ sich mit des enndtleibten freundts
schaft nach gestalt der sachen zuvertragen/ vnd die Seel zupuessen/
Damit aber ain solcher von den Erben vnd freunden als zu ze
iten beschehen möcht nit zünil beswärlich / sonnder nach aines jeden
vermögen leidenlich vnd zimlich in vertrag gehalten werde / So
soll solcher vertrag nit in der Erben / oder freundschaft willen/
sonnder zu Erberer erkantnis der obrißheit vnd des Gerichts
darin der Todslag beschehen ist steen / Vnd in solchem faall/ so sich
ainer anput sein notweer wie hienor in ainem söndern artitel gemelt
darzupringen/ der mag durch dieselb Landtgerichts obrißheit/ piß
zu vnns/ oder vnser Regierung vnser Widerösterreichischen lände/
auch wo von nöten im Landt zu Recht gesichert werden.

*Notizen
ca. 1471*

Was gestallt dan die absolution des Todslags erlanngt wurde/
soll doch derselb Thäter vnangesehen das Er mit des endtleibten
freundschaft vertragen/ mit desselben enndtleibten Herrn von ge
dachts seines aigen Manns wegen / nach gestallt der sachen vnd
pilligkait/ ab/ vnd an seinen willen kumen/ vñ sich mit jme verainen/
vnd nach darzue mit dem Landttrichter versienen/ doch das die
selb versienung nach des Landts Freihaiten mit Sechzig phen
ning beschehe/ vnd darüber nit gestaigert werde.

Aber sonnst vnd aufferhalb obgestellter Conditionen/ soll khain
Landtman/ noch Landttrichter gewalt haben/ die Todslag vmb
gellts willen zünerthaidigē/ oder sy die Todsleger zuebglaitn/ noch
züsichern.

Wer güeter finndt/ es sey gelt / oder annders/ der soll die in der
Pharz darinnen sy gefunden werden/ drey Sontag nach einander
auf der Cannzl verkhünnden lassen/ vnd schuldig sein jar vnd tag

dieselben vnuerkümert gehalten/vnd ob jemanndts in der jarssfrist/ oder hernach k̄mb/dem Sy zuegehört/demselben die onemndt, gelt widerumben volgen lassen/oder erstatten.

Wo aber ainer gefunden güeter verhielt vnd wissen het/wemb die zuegehört/derselb soll nach gestallt des verhalten guets/vnd nach erkantnuß des Gerichts darumben gestrafft werden. Vnd ob Er aber gleich woll nit wesse/wem dz gefunden guet zuegehört/vnd solch gefunden guet nit verkhünden liesse/soll Er darumb yezgehört massen gestrafft werden.

Vnd so sich Todslag zuetragen/sollen dieselben enndtleibten außser wissen vnd eigentlicher besichtigung der Lanndrichter zu begrebnuß mit gehebt vnd dem Lanndrichter für den pluet phenning nun hinfuran nit mer dann ain phundt/vnd ain phenning weißer Münz geraicht vnd bezallt werden/damit die Lanndrichter von vnnsrer Lanndgerichts obügkait wegen solche besichtigung des stätlicher thün/vnd die schäden vnd wunden in beysein Erberer leit/besehen/danon Sy dann Inditia vnd gründliche erfahrung empfahen/auch gegen dem Thäter nach gerichtlicher ordnung des fleiniger vnd gründlicher verfahren mügen.

Die Lanndrichter sollen auch von den handlungen vnd vrgich, ten so sich in jren Lanndgerichts verwaltungen zuetragen/ain gues te ordnung halten/damit den Partheyen der beschehen handlungē zu fürderung des Rechtens vmb zimlich ergezlichen glaub, wurdig verkhunden mitgetailt mögen werden/wie jnen dan solches von Ambs wegen auch gepürt vnd zuesteet.

Damit aber die Freysassen vnd Edlinger die jre frey aigne güe, ter vnd hweben haben/aber doch nit geadt personen sein (dan der vom Adl personen in diser ordnung nit sonnder vnnsrer vnd jrer vnderthanen pawrpleit) verstanden/auch die Kirch vnd Zech Bröbst wo jr ainer Malefizisch verhandlet diser ordnung nit Exempt/sonder vmb jr verprechungen jeder zeit/auch pillichen gestrafft werden/So sollen sy die Lanndrichter/nach vnnsers Lanndtshawbt, mans/als jrer fürgesetzten ordenlicher obügkait/vnd obersten Vogt Rat vnd Beuelch/vermög diser vnnsrer Lanndgerichts ordnung/ gegen jnen hanndlen vnd verfahren/wie Recht ist. Aber die Edlin, ger so an das in dasselb Gericht/Herischafft/oder Vrbar gehören/ mit denen ain Lanndrichter als mit andern derselben Herischafft

Ursarsleuten / vorhin zehandlen / sueg hat / Sollen daher nit ge
traitt / noch verstanden werden.

Wan vnd so oft aber ain Landtman / Phleger / Richter / Ambt
man / oder Suppan / dem ain Thäter oder Verprecher zuegehört / od
in des grundt / oder verwaltung Er betreten wurde / dem Landt
richter den Thäter / oder Verprecher ansoffenwar beweisslich that /
nit volgen lassen / oder ainen Thäter / oder Verprecher auf glaubwie
dig Zucht / verdacht / vnd gegrünndt Inditia / oder so ainer ainen
Thäter oder Verprecher selbs erfahren / vnd begreiffen / dem Landt
richter nit antworten / darinnen irung oder ver hinderung thun /
oder den Thäter warnen hinschieben / oder genärllich hinkumen las
sen wurde / derselb Landtman / Phleger / Richter / Ambtman / oder
Suppan / soll alzeit durch vnsern Landtshauptman in Crain /
nacherkanntnis der Landtleut daselbst auf anlangen der Landt
richter / vnd nach gelegenheit der sachen / wie sich gepürt / in straffer
kenndt werden / doch mit vorbehalt der Appellation / für vnser
Niderösterreichische Regierung.

Diweill auch vnsern / vnd andern Landttrichtern irem Amte
nach das vbl zustraffen / vnd dieselben Vblthäter oder Verprecher
khains wegs zehayen / haimblich oder sonnst vmb gelts willen zü
enndtledigen oder generlicher weis weckhomen zelassen / sonnder
ain jeder die hochait des Malefiz dermassen trewlich vnd vleissig
lichen zü administriern / vnd züerwalten zuesteet / vnd gepürt.
Wo sy dann solchs vberfüren / vnd sich zü inen warhafftiger funde
gegen dem oder denselben / wellen wir von Landtsfürsten Obzigt
kait wegen / zü fürderung des Rechtens vnd zuerhaltung fridens /
vnd rüe wie sich gepürt / durch vnsern Landshauptman mit straff
Procediern vnd verfahren lassen / vnd hierinne niemads verschone.

Vnd nach dem vns nit möglich ist dise Landgerichts Ordnung not
dürftiglich zübedencken / vnd sonderlich die Malefiz händl all
zübessern / So behalten wir vnns vnd vnsern Erben hiers
innen beuor / Solche Ordnung vber kürz oder lange zeit / nach des
Landtsfreiheiten zepessern / zewaigern / dauon / oder darzū zethun /
wie vns allzeit noth fruchtper vnd zimlich ansehen wirdet.

Vnd dise obgeschriben Ordnung soll vns als herin / vnd Landtsfürs
ten / an vnsern Fürstlichen Obzigtait vnd Gerechtigkaiten / auch
ainer Ersamen vnser Landtschafft in Crain / vnd derselben anges

raichten Herrschaften/vñ Flegthen der Windischen March/Met-
ling/Asterreich vnd Karscht/habenden Freyheiten/wodie hiewi-
der in ain/oder mer weeg gestellt wäre/on allen schaden vnd nach-
tail sein/alles gnediglich/vnd vnguerde.

Vnd emphehlen darauf/den Erwürdigen vnd Edlen/Ersamē/
Geislichen/vnnsern Andechtigen/vnnd Lieben Getrewen/n/ allen
vnd jeglichen Ständen/gemainer Landtschaft vnnsers Für-
stenthumbs Crain/vnd sonderlich gegenwürtigen vnd künfftigen
vnsern Landtshawtleuten/Verwesern/Diödomben/Phlegern/
auch sonnst allen vnnsern vnd andern Ambtleuten/vnd getrewen
Vnnderthanen vnd wellen/das Ir diser obgeschribner vnnsere auf-
gerichteten Landtgerichts ordnung in albeg nachkomet vnd darob
haltet/auch vnnsern vnd andern Landtrichtern so oft solchs die
notdurfft ernordert/vnd Sy von jnen derhalben ersuecht/vnd an-
gelangt werden hilff/Rat/vnd beystanndt erzaiget vnd darann
seyet/damit die gemelten Landtrichter von meniglichen Verlichn
vnd gepürlichen gehalten/auf das/das vbl gedachter vnnsere Land-
gerichts ordnung nach/destter statlicher allenenthalben gestrafft/
hierinnen nyemannts vbersehen/Vnd das Landt vor dergleichen
Malefiz personen geräumt mög werden/vnd dawider selbst mit
handlet/nach yemannds andern zethün gestattet/in thainen
weeg/bey vermeidung vnser schwärn vngnad vnd straff/das mai-
nen Wir ernnstlich. Mit vzkundt disz Brieffs/Besigt mit vnns-
serm anhangunden Insigl. Geben in vnnsere Statt Wienn/
am Achzehenden tag des Monats Februarij. Nach Cristi gepurt/
Fünffzehnhundert vnnd im Fünffunddreißigsten/Vnnsere
Reiche des Römischen im Fünfften/vnd der andern im Neündten
Jaren.

Commissio domini
Regis in Consilio.

Handwritten flourish or initial on the right edge of the page.

Faint, illegible text, likely bleed-through from the reverse side of the page.

Commissio Comitis
de...
Handwritten text, possibly a signature or title, located in the lower center of the page.